

حزينة الروح ذبحتها النروح  
وفي عين السما قصة يتم اتلوح  
ابدي امنين عماني البين  
وما ترحم ابد قلبي دموع العين  
صدي الدمعات صدي الحسرات  
تجرّح كل محب عنه حبيبه مات  
يفت قلبه يود قربه  
يناظر للبشر كلهم وجهه غربه

تدري لو عنه يروح	يبقى جسم ابلايه روح	وتدمي قلبه هالجروح
اللي قلبه منكسر	له مينفع أي صبر	والله ما يريد العمر
تأمل الليلة اليحب	وهوا حاسس يغترب	الفرقة صعبة يالمحب
الوالي حيدر عالفرش	بعينه ايلوح النعش	واليتامي ابلايه عش

يتامي تنتظر "مسحه" بقلب ملهوف  
يتيمة تنادي بس حيدر يرد شمسه  
يرد لو مايرد حيدر؟ سكتة خوف  
شعجب مايقدر بنظرة يرد أمسه؟

بهاالساعة كل شي وقف  
لو ترحل ي حيدر  
بس مدمع اليتامي  
ما تعود الأبتسامة

دنيا بلا وجودك  
بس قلبك إلنا حاني  
ما نلقى چف محتة  
وأنته لنا وطنه

يـ حيدر      لـ ترحل      يـ حيدر      يـ حيدر  
يتاماك      تنادي      يتاماك      يتاماك  
ربنا يرعاك

مشهد صورته والقلب تعذب  
حوله العقيلة تنادي سلمه يارب  
تهمس ببويه أنظر الـ عيوني  
نظرة يحيدر ليّه أنا زينب

ريته راسي يـ حيدر أنا اللي منطبر      ولا أشوفك ببويه بعيوني معترف  
خذها روعي فدالك مريد أنا العمر      ولينا تبقى بحنانك يغالي

جيب إليّه جفوفك أنا أحتاجك دوا      ياللي بنفاسك أنته خلق الله الهوا  
ترضى بنتك يحيدر تعيش ابلا ضوا؟      يا علي لو تناظر لـ حالي

اعيش اشلون      بليّا عيون      عليّ بالهون      بيه الغالي  
صعب فرقاك      عسى افداك      أنا بليّاك      قسى حالي  
الفقد قاسي      يعز ناسي      الحزن راسي      في دلالي  
علي هونك      علي هونك      أنا بدونك      بلا والي

قاسي آه ببويه البعد قاسي      يا اعز ناسي      بعدك هالدمع جرح احساسي  
ضاعت بعد ابويه والله أحلامي      وقلبي الدامي      يكتب قصة جروحي وآلامي